

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj: 7/10 i 3/23) i člana 17. Zakona o budžetima u Federaciji BiH („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19 i 25a/22), na prijedlog Ministarstva finansija, Vlada Zeničko-dobojskog kantona, na 27. sjednici, održanoj 17.05.2024. godine,
d o n o s i

ZAKLJUČAK

I

Prima se na znanje Informacija Ministarstva finansija Zeničko-dobojskog kantona, broj: 07-03-01/11-8817-1/24 od 13.05.2024. godine o razlozima nemogućnosti izrade i dostave Vladi Zeničko-dobojskog kantona na donošenje Prijedloga Smjernica ekonomske i fiskalne politike Zeničko-dobojskog kantona za period 2025-2027. godine, u zakonskom roku, i čini sastavni dio ovog zaključka.

II

Zaključak stupa na snagu danom donošenja.

Broj: 02-_____/24
Datum, 17.05.2024. godine
Zenica

PREMIJER

Nezir Pivić

DOSTAVLJENO:

1x Ministarstvo finansija,
1x Federalno ministarstvo finansija,
putem Ministarstva,
1x a/a.



Broj: 07-03-01/11-8817-1/24

Datum, 13.05.2024. godine

URED PREMIJERA
STRUČNA SLUŽBA VLADE

PREDMET: Informacija o Prijedlogu Smjernica ekonomske i fiskalne politike Zeničko-dobojskog kantona za period 2025. – 2027. godine - dostavlja se

Članom 17. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19 i 25a/22) propisano je:

„Vlada na prijedlog Ministarstva finansija donosi Smjernice ekonomske i fiskalne politike za trogodišnje razdoblje.

Smjernice sadrže:

1. strateške ciljeve ekonomske i fiskalne politike Federacije i usklađene prioritete rashoda i izdataka, uključujući prioritetne strukturalne reforme;
2. osnovne makroekonomske pokazatelje Federacije;
3. osnovne pokazatelje ekonomske i fiskalne politike Federacije;
4. pretpostavke društvenog i privrednog razvoja za budžetsku i za naredne dvije godine;
5. procjenu prihoda i primitaka budžeta, ciljanu fiskalnu poziciju te usklađen nivo ukupnih ciljanih rashoda i izdataka, a koji održavaju prethodno navedene prioritete rashoda i izdataka;
6. predviđene promjene javnog duga i strategiju upravljanja javnim dugom.

Prijedlog smjernica iz stava 1. ovoga člana, Ministarstvo finansija dužno je dostaviti Vladi do 15. maja tekuće godine.

Vlada donosi smjernice do 31. maja tekuće godine, nakon čega se iste objavljuju na internetskoj stranici Ministarstva finansija“.

Međutim, jedan od ključnih dokumenata za izradu Smjernica ekonomske i fiskalne politike Zeničko-dobojskog kantona za period 2025-2027. godine su Makroekonomske projekcije Direkcije za ekonomsko planiranje Bosne i Hercegovine i Revidirane projekcije javnih prihoda za 2024. godinu i projekcije za period 2025-2027. godine za kantone i vanbudžetske fondove koje izrađuje i dostavlja Federalno ministarstvo finansija.

S obzirom da do danas, Federalno ministarstvo finansija nije izradilo i dostavilo gore navedene projekcije prihoda, Ministarstvo finansija Zeničko-dobojskog kantona nije u mogućnosti izraditi i dostaviti Vladi Zeničko-dobojskog kantona na donošenje Prijedlog Smjernica ekonomske i fiskalne politike Zeničko-dobojskog kantona za period 2025-2027. godine, u zakonskom roku (do 15. maja tekuće godine). Po prijemu Revidiranih projekcija prihoda za 2024. godinu i za period od 2025-2027. godinu za Zeničko-dobojski kanton, Ministarstvo finansija Zeničko-dobojskog kantona će pripremiti i proslijediti Vladi Zeničko-dobojskog kantona Prijedlog Smjernica na donošenje.

Odredbama člana 52. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Informacijom se Vlada informiše o određenim pitanjima, odnosno problemima.“

Imajući u vidu sve navedeno, Ministarstvo finansija Zeničko-dobojskog kantona je pripremila ovu Informaciju.

S poštovanjem,

Dostavljeno:

1x Naslovu

1x a/a

MINISTRIČA

Dženana Čišija

Akt pripremio: Nermin Piljug

Akt pregledao: Ivana Šimić